

***Uputstvo kandidatima za polaganje kvalifikacionog ispita koji će se održati
05.07.2010. godine, za upis studenata u prvu godinu
prvog ciklusa studija na Elektrotehničkom fakultetu u Sarajevu
u akademskoj 2010/2011 godini***

1. U okviru kvalifikacionog ispita za upis studenata na Elektrotehnički fakultet Univerziteta u Sarajevu u akademskoj 2010/2011 godini, test iz matematike održat će se 05.07.2010. godine u 10:00 sati u prostorijama Elektrotehničkog fakulteta u Sarajevu, na lokalitetu Kampusa Univerziteta u Sarajevu, Zmaja od Bosne bb, Sarajevo.
2. Zajednički sastanak svih kandidata za upis na Elektrotehnički fakultet Univerziteta u Sarajevu, održat će se u *Velikom amfiteatru* Fakulteta 05.07.2010. godine, sa početkom u 09:30 časova.
3. Nakon uvodnih napomena Dekana Fakulteta Red.prof.dr Keme Sokolije, dipl.el.ing., kandidati će se rasporediti po predviđenim salama, i to tačno prema rasporedu datom u prilogu.
4. Test se piše 120 minuta, od trenutka kada posljednji kandidat u Sali dobije zadatke za rad.
5. Svaki kandidat mora sa sobom imati i odgovarajući identifikacioni dokumnet sa slikom (lična/osobna karta CIPS-a, ili vozačka karta CIPS-a, ili pak pasoš/putovnica).
6. Tokom rješavanja zadataka, zabranjeno je koristiti mobilne uređaje, kalkulatore, ili pak neka druga elektronska sredstva. Kandidati kod sebe, praktično mogu imati samo pisaći pribor (test se piše plavom, ili crnom hemijskom olovkom, ili pak nalivperom; pisanje grafitnom olovkom nije dozvoljeno; dozvoljeno je koristiti geometrijski crtaći pribor (šestar, uglomjer, trouglovi)) i identifikacioni dokumnet.
7. Tokom rješavanja zadataka, nije dozvoljen bilo koji vid komunikacije sa ostalim kandidatima. Pitanja uslijed potencijalnih dilema, ili pak nejasnoća, oko predmetnih zadataka, upućuju se dežurnom asistentu, ali tako da pitanje i odgovor čuju i ostali kandidati u toj sali. Narušavanje ovog pravila se sankcioniše odstranjivanjem sa kvalifikacionog ispita.
8. Dežurnim asistentima nije dozvoljeno prilaziti pojedinim kandidatima, te im davati dodatne znakove.
9. Na dobijenim papirima sa zadacima, nije dozvoljeno pisati nikakve lične podatke, niti dodatne znakove.
10. Tokom ocjenjivanja radova kandidata, boduju se i dijelovi parcijalno urađenog zadatka.
11. Preliminarni rezultati predmetnog testa iz matematike, kao i sveukupnog uspjeha na prijemnom ispitu, objavit će se u utorak 06.07.2010 godine u 16:00 sati na web stranici Fakulteta (<http://www.etf.unsa.ba>) i na oglasnoj tabli, na ulazu na Fakultet.
12. Svi kandidati koji imaju prigovor na preliminarne rezultate, moraju prigovor na preliminarne liste i zahtjev za uvid u svoj rad i ponovno pregledavanje istoga, predati u pismenoj formi u Studentsku službu Fakulteta, u jednom od sljedećih termina:
 - utorak, 06.07.2010. godine
 - srijeda, 07.07.2010.godine
 - četvrtak, 08.07.2010.godine*(zaključno sa četvrtkom 08.07.2010 do 13,00 sati)*
Prigovor se upućuje Komisiji za provođenje prijemnog ispita za upis studenata na Elektrotehnički fakultet u Sarajevu u akademskoj 2010/2011 godini.
13. Razmatranje eventualnih prigovora na preliminarne rezultate na prijemnom ispitu za upis na Elektrotehnički fakultet u Univerziteta u Sarajevu u akademskoj 2010/2011 godini, obaviti će se, isključivo u prisustvu kandidata, u petak 09.07.2010. godine u 9:00 sati u sali S5.

Predsjednik Komisije

Red.prof.dr Kemo Sokolija, dipl.el.ing.